

Дезорганизатор'ёслы пумит нокыче ужрад уг куту

Ворошиловлэн нимыныз нимама колхозлэн бусыосаз данак стахановец'ёс ужало. Соос ужаны кутскем-лэн нырысь нунал'ёсаз ик син-маськымон ужало. Тани, кылсярысь, Н. Вахрушева, Е. Вахрушева, К. Попова, Н. Попова, Л. Чиркова комсомолка но трос мукет'ёсыз норма-зэс трослы мултэсэн быдэс'яло, нунал чоже 600—700 культо кертто. А. Иванова колхозница кыин 0,20 гектарозь ара, нош И. Ширяев, А. Климов, Н. Щелконогов колхозник'ёс — быдэн 0,16—0,18 га.

Соин чош колхозын ожит өвөл на колхозной уез дезорганизовать карисьёс но. Соос колхозын урод ужам гинэ өвөл, стахановец'ёслы пумит шара травля нуо.

Тани тросэз пöлысь одйг факт. Кытэти бригадысь колхозница М. Егоровалы стахановец'ёслэн ужамзы уг кельшы, та сярись со шара вераське но ас котыраз люканы

туртске мукет колхозник'ёсты но. Кылсярысь О. Попова, азьвыл умой ужа вал, трос пол премировать карылэмын вал. Туэ нош лодырьёс-лэн влиянизы улэ сяриса умой ужам гинэ өвөл, колхозной уез куашкатыны туртске. Алигес гинэ со Егороваен чош Вахрушева стахановкаез умой ужомез понна, культо керттылоньсь уллязы. Вахрушева ужан нормаэз кык вылти пала быдэс'я. Уез дезорганизовать карисьёс ужаны пото 8—9 часын гинэ, ужысь нош кошка 6—7 часын жыт.

Озы ке но таё мурт'ёс нокин ласянь пездэт уг басто. Колхозлэн правлениез, председателез Столбов, первичной комсомольской организация таё урод уж'ёслэн палэнтисы орточо, лодырьёсын решительно нюр'яськем интые соосын либеральничать каро.

Колхозник.

Тодыса но чида

«2-ти большевистской весна» колхозлэн бригадирез Н. Варламов 2 августэ колхозник'ёслэсь ужзэс принимать каре вал. Соос пöлын солэн кышноез А. Варламова но ужа вал. Кышноезлэсь ужамзэ мертаса солы мултэс гожтэм. Араз вал со 0,14 га, нош гожтиз 0,16 га, норма тупатэмын 0,15 га. Озы тини кышно-

езлы трудодень гожтиз кык вылти.

Со сяна мукет уж'ёслы но трудоденьёсты гож'янез со бере кельтэ. Кылсярысь, А. Бабушкинлэн апреле ужомезлы трудодень гожтымтэ на. Та сярись колхозлэн председателез Харин эш тодэ ке но нокыче ужрад уг куты, сыче урод уж'ёсты со чида.

Комсомолец.

Трудоденьёсты дыраз гож'яно

«Новая крестьянка» колхозез райзон эскерем бере шедьтэмын вал, что ужамзы понна тросэз колхозник'ёслы трудодень гожтылымтэ. Татын янгыш луэ колхозлэн азьло бригадирез И. Калинин. Со ужас колхозник'ёсты кулез'я учет нуымтэ. Соин сэрэн али но куд-ог колхозник'ёслэн трудоденьзы шедьтым-

тэ на. Кылсярысь, У. Н. Мараткановлэн 9 трудоденез гожтымтэ. М. Горловалэн—5, А. Петровалэн—3 но тросэзлэн мукет'ёсызлэн.

Таё урод уж'ёслы пум пононо но али но гожтытэк кельтэм трудоденьёсты гожтоно колхозник'ёслы.

Красноперов.

Сельской школалэн выль задачаосыз

Эшшо кöня ке ар талэсь азьвыл гуртын школаослэн основной типенызы вал начальной школа. Али сое воштэ ни неполной средней но средней школа.

Куиньметй сталинской пятилетка чоже вань сельской интыосын быдэстэмын луоз всеобщой семилетней образование но трослы будозы дасар'ем средней школаос. Тини малы туж бад'ым народнохозяйственной значение бастэ дышеткисьёсты кöнялыке ке но соосты вуоно практической ужды дасян, кудиз пуктэмын В. М. Молотов эшен партилэн 18 с'ездэзлэн лэсьтэм докладаз.

Озы ке но тросаз сельской школаосын дышетон но воспитательной уж социалистической сельской хозяйстволэн бад'ым значение бастысь вопрос'ёсызлэсь вис'яськемын. Сельской школа дышеткисьёсты ляб тодматэ на сельскохозяйственной будос'ёслэн но пудоослэн биогенизы, агрономлэн но пудо вордонлэн научной основаосыныз, сельской хозяйствоез механизировать но химизировать каронлэн проблемаосыныз, колхозной учетлэн вопрос'ёсыныз, муз'ем мертан уж'ёсын но мукет. Школа аслаз ужаз уг куты на сельской хозяйстволэн азымынсьёсызлэсь син-маськымон азинскон'ёссэс. Чем

дыр'я дышеткисьёс но, озы ик дышетисьёс но уг тодо асьсэлэн районысьтызы умоесь колхозник'ёсты - стахановец'ёсты, соослэсь азинскем'ёссэс изучать уг каро.

Та тырмытэосты быдтон сельской дышетисьёслэн но народной образованилэн орган'ёсызлэн туж кулэ луись задачаеныз луэ. Дышеткисьёслы наукалэн основаосыз сярись тодон сётыса, коммунизмлэн духеныз соосты воспитать карыса, сельской школа дышеткисьёсты дасяны кулэ творческой колхозной ужды. Сельской средней школаез быдэстись мурт'ёс быгатозы но луыны кулэ азыланьын дуно кадр'ёсын, куд'ёсыз способной луозы колхозной уез азылане нуыны. Тини та бордысь потэ РСФСР-лэн Наркомпросэзлэн коллегиялэн сельской школазэсь уждэ умятон сярись постановлениез.

Туэ арын ваньмаз сельской средней но неполной средней школаосын пыртисько сельской хозяйствоез обязательной практической занятиос но экскурсиос. 5-ти классын ботаникаез преподавать каронэн валче кулэ орчтыны практической уж'ёс но школа бордысь участкаын опыт'ёс лэстыны «Будос'ёслэн улонзы» раздел'я (муз'емез дасян, кизён, подкормкалэн, югытлэн, яро-

Быр'ён'ёслы дасясько

«16 октябрь» колхозысь комсомолец'ёс кивалтись комсомольской орган'ёсты быр'ён'ёс азелы умой дасясько. Соос колхозын уж'ёсты азинлыко быдэс'яло, колхозлэн бригадирез, комсомолец Логинов эш обязательство бастыиз ю октон-калтонэз вакчи дыр куспын но ыштон'ёстэк орчтыны. Солэн бригадаез али колхозын ик азымынсь

луэ. ВЛКСМ-лэн член'ёсыз Лаврентьева но Стерхова эш'ёс колхозник'ёс но егит'ёс пöлын валэктон уж нуо.

Тракторист — стахановец Мерзляков эш комсомолэ пырыны заявление сётиз вал но со али первичной организацией ВЛКСМ членэ пыртэмын ини.

П. Сокоиков.

Удмуртилэсь 20 ар тырмонзэ выль вормон'ёсын пумиталом

Удмуртилэн XX ар тырмонзэ лэн нимыныз нимама социалистической соревнованиез вöлмытон сярись станкостройсысь комсомолец'ёслэсь вазиськемзэс ми собранием обеудить каримы. «Красная горка» колхозысь комсомолец'ёс, та соревнование ог мылдыкын пыриськызы.

Попов эш, комсомолец, лущить карыны но кын улэ гирыны ужан нормаез 120 процентлэсь ожиттэк быдэстон вылысь обязательство бастыиз. К. Христоробов эш, кудиз октон-калтонын валэктон уез умой пуктыны быгатиз но аран машина-ен 6 гектарозь аралляз, уката умой ужаны, валэктон ужысь бастэм

опытэ мукет агитатор'ёслы, сётыны но озы ик кын улэ гирыны но кутсаькыны нормаосты мултэсэн быдэс'яны вылысь ас вылаз ужрад'ёс бастыиз.

«Красная горка» колхозысь комсомолец'ёс нюр'ясько вань сельскохозяйственной уж'ёсты выли зечлыккен дырылэсь азьвыл но государство азын вань обязательствоосты быдэстыны со вылысь, чтобы Удмуртилэсь XX ар тырмон нуналзэ выль вормон'ёсын пумитаны.

Комсомольской организация али дасяськон уж'ёс нуэ комсомольской орган'ёсты быр'ён'ёслы дасяськыса.

А. Баранов.

„Выль улон“ колхозысь агитатор'ёс сярысь

Юськинской сельсоветысь, «Выль улон» колхозын агитатор'ёс А. Захарова, А. Хлебов, В. Пушкин, Ф. Комаров бусып бригадоосын колхозник'ёс пöлын вискарытэк массовой валэктон уж нуо. Ас кылынызы соос колхозник'ёслы партилэсь но правительстволэсь постановлениоссэс, СССР-лэн Верховной Советэзлэсь 7 сессиезлэсь материал'ёссэ валэкто но отын ик газет'ёсты шара лыд'ыло. Соин ик колхоз октон-калтонэз азинлыко орчтытэ.

Куд-ог агитатор'ёс нош массовой валэктон уж нуэм интые асьсэос трудовой дисциплинаез тйяло. Кылсярысь, парторганизация А. Чунаеваез лыд'я агитаторен, нош со А. Волковаен чош колхозлэн правлениезлэсь юатэк колхозной муз'ем вылысь турынез турназы.

Нош юано лыктэ: кызы первичной парторганизация аслаз агитколлективаз таё «агитатор'ёсты» возыны чида?

Колхозник.

визацилэн влияниез но мукет) 6-ти классын будос'ёслэсь систематиказэс изучать каронэн валче кулэ орчтыны бакча сион, технической, садовой но мукет сельскохозяйственной культураосты будэтон'я практической уж'ёс. 7-ти классын зоологияез преподавать каронэн валче практической занятиос луозы сельскохозяйственной вредительёсын нюр'яськон'я, пинал пудоез, гурт тылбурдоосты, кролик'ёсты утылтон'я; 7-ти класс'ёсын дышеткисьёс экскурсиос лэстытозы пудо вордон но вал вордон колхозной фермаосы. 8-ти классын химия урок'ёс орчтытиськозы удобренности изучать карон'я практической занятиосын. 9-ти классын дарвинизмлэсь основаоссэс изучать каренен валче практической занятиос учкемын, куд'ёсыз тодматозы дышеткисьёсты селекцилэн элементарной основаосынызы но мукет.

Трос лэстыны луоз мукет предмет'ёсты изучать карон дыр'я но, кылсярысь, физика, математика, черчение предмет'ёс'я.

Математикаез преподавать карыку дышеткисьёсты тодматонно площадьёсты но об'ём'ёсты мертанэн, дышеткисьёсты дышетоно жоглыд'яськыны устно, счэтэн лыд'яськыны, колхозной учетлэн но счетоводстволэн материал'ёсыз'я задачаосты решать карыны. Физикалэн курсэз'я школа дышеткисьёсты тодматыны кулэ основной сельско-

хозяйственной машинаослэн устройственызы но озы ик колхозной электростанцилэн устройственыз.

Паськыт вöлмытоно дышеткисьёсын внеклассной кружковой уез. РСФСР-лэн наркомпросэз, интысь условнос'я но луонлык'ёс'я пöртэм кружок'ёс кылдытыны дэмла: сельской хозяйстволэн опытник'ёсызлэсь но юной натуралист'ёслэсь (биолог'ёслэсь, садоводствоез, оводствоез, гурт тылбурдоез но кролик'ёсты вордыны яратисьёслэсь), пинал пудошы шефстволэсь кружок'ёссэ, машинаосты но двигателёсты: тракторез, автомобилез, комбайнез изучать карон'я кружок'ёсты, — связист'ёслэсь (радио, телеграф, телефон), электротехник'ёслэсь, гидролог'ёслэсь (ымет'ёсты но мукет водоем'ёсты изучать карон), топограф'ёслэсь-геодезист'ёслэсь, метеоролог'ёслэсь кружок'ёссэс.

Воштыськон'ёс, куд'ёсыз пыртисько сельской школалэн ужаз, учебной но воспитательной уж'ёслэсь зечлыксэз азыланьын жутоп понна, великой социалистической строительстволэсь полноценной, активной участник'ёссэс школаын дасян понна туж бад'ым значение басто.

М. САРЫЧЕВА,
РСФСР-лэн просвещениезлэн
народной комиссарезлэн
заместителез.

Отв. редактор В. АЗИМОВ.